

Das 1. Capitel/wie dieses newe bild zu
vor nie ersehne Instrument / gemacht
werden sol.

Nach erstlich ein gfiert Brett von dürem Holz/in der größe
nach dem du dein Instrument haben wilt / vnnnd auff allen
vier ecken mach runde füßlin oder Klößlin / damit solches
Brett ein wenig erhebt stehe / in dise vier Füßlin mach in ein
jedes ein kleines spiziges stefflin/damit wo solches gestelt werde/es nit
leichtlich rucken möge.

Weiter mach in der mitte des Bretts ein rund loch / darein dz stüds
lin mit B. gesteckt wirt / darvon hernach weiter meldung geschehen
sol/so das gemacht ist/reiß kreuzweis zwo linien vber das Brett / da
dann dise Linien auff dem verlornen zayffen / so in das loch gesteckt
werden sol ein puncten machen/in disen puncten stell ein fuß des Zir
ckels/mit dem anderen mach ein ganzen Zirckelring /welchen dan die
zwo kreuzlinien in vier quadranten getheilt/theil ferners ein jeden qua
drant oder viertheil des Zirckels in seine 90. grad/vnd schreib die zahl
dazu sampt den worten Mitnacht/Mittag / Morgen vnnnd Abend/
in massen du solches vor augen sichst/vnd mit A. verzeichnet/dise auß
theilung des Zirckels auff dem ligenden Brett nemend die *Mathe
matici Horizont.*

Das auffrecht stüdtli mit B. verzeichnet/wirt gemacht in aller form/
wie du im abriß gnugsam sehen kanst/vnden vnd oben abgesetzt gleich
einem Zirckel/vnd mach vnden ein runden zayffen daran/ der durch
das Brett gange vnd sich sanfft lasse vmbtreiben/vnden ein schruffen
daran geschnittē/damit solches mit einem Mütterli kan vest gemacht
werden.

Weiter mach ein Zeiger der an dem stüdtli vest gemacht seye / vnnnd
sich lasse mit dem selben vmbtreihen/welcher zeiger / dir dahin dienen
wirt/daz wann du ein grechten gevierten Kompass daran stellen thust/
wirt dir der Zeiger denn grad so das Magnetzüngli in steht anzeigen/
wie vil dein Mauren abwicht/von Mittag/gegen Morgen/Abend o
der Mitnacht/so du anderst die Lini darauff geschriben steht/Morgen
vnd Abend/gleich weit von der Maur gestelt hast. Weis